

Mostra

GUIDO BALSAMO STELLA

N urientamënt nuef d'ert te Gherdëina 1924-1927

Mostra speziela dl Museum Gherdëina tla Lia Mostra d'Ert de Urtijëi

Inaugurazion: 9.11 dala 18:00

Dureda dla mostra: dal 10.11 al 01.12.2023

Orars de giaurida: lu-ve 14:00-18:00; sa 10:00-12:00

Vijites menedes: uni sada, cun la curadëssa dla mostra Sanila Serafini


NTREDA DEBANT

Che Gherdëina possa auzé ora artisc y artistes a livel nternaziunel dla prima metà dl XX ejim secul ie nce de gra al moler y scultëur de Torino, Guido Balsamo Stella. Dal 1924 al 1927 ie èl stat diretëur dla Scoles d'ert de Urtijëi y Sëlva, purtan nsci pro a dé n urientamënt defin nuef (linia nueva) tl'ert de Gherdëina.

L merit de Balsamo Stella coche renuvadëur dl'ert te Gherdëina vën auzà ora dal Museum Gherdëina cun na mostra speziela ntan l mëns de nuvëmbër. Te chësta mostra uniral cunfruntà l'opres dl Maestro Stella cun chëles de si sculeies y maestri jëuni dla Scoles d'ert, danter chëi Albino Pitscheider, Ludwig Moroder, Vigil Pescosta, Luis Insam, Vinzenz Peristi y Franz Mersa.

L cunfront desmostra cun tlarëza ai vijitadëures tan grant che ie stat l nflus de Balsamo Stella sun l'ert de Gherdëina, nce per chël che à da nfé cun l artejanat dl ziplé. Un di pec plu mpurtanc dla mostra ie la stua tafleda abelida da urnamënc ziplëi che i sculeies de Balsamo Stella a realisà sot a si direzion per la Mostra Internaziunela d'Ert y Design dl 1925 a Paris y premieda cun na bedaia d'or.

La giaurida dla mostra speziela dl Museum Gherdëina dal titul " Guido Balsamo Stella e il riorientamento dell'arte in Val Gardena 1924-1927" sarà n juebia ai 9 de nuvëmbër. La mostra ie daldò da udëi nchin ai 1 de dezëmbër 2023 tla Lia Mostra d'ert, sun plaza S. Antone a Urtijëi.



Lia Mostra d'Ert – Circolo
Plaza S. Antone 102
I – 39046 Urtijëi (BZ)
Tel. 377-5936350
info@circolo.eu